

NUNANUT ALLANUT MINISTEREQARFIK**Inuit pisinnaatitaaffiinut Institutti – Danmarks Nationale Menneskerettighedsinstitutioni
pillugu inatsisip Kalaallit Nunaanni atuutilersinnissaa pillugu****peqqussut**

UAGUT MARGRETHE AAPPAAT, Guutip saammaanneragut Danmarks Dronningia, nalunaarpugut:

Inuit pisinnaatitaaffiinut Institutti – Danmarks Nationale Menneskerettighedsinstitutioni¹ pillugu inatsimmi nr. 553 18. juni 2012-meersumi § 15 aamma Inuit pisinnaatitaaffiinut Institutti – Danmarks Nationale Menneskerettighedsinstitutioni pillugu inatsisip allanngutaanik inatsisimmi nr. 656 12. juni 2013-meersumi § 5 aamma Dansk Institut for Internationale Studier² pillugu inatsit naapertorlugu aalajangiunneqarpoq inatsit imatut oqaasertalerlugu Kalaallit Nunaanni atuutilersinneqassasoq:

Kapitali 1

Pilersitsineq suliaassallu

§ 1. Nunani tamalaani inuit pisinnaatitaaffii pillugit suliniaqatigiiffiit pillugit Naalagaaffiit Peqatigiit Paris-imi isumaqatigiissutaat naapertorlugu inuit pisinnaatitaaffiisa siuarsarneqarnissaat illersorneqarnissaallu siunertaralugu inuit pisinnaatitaaffiinut institutti, Institut for Menneskerettigheder – Danmarks Nationale Menneskerettighedsinstitutioni pilersinneqarpoq.

§ 2. Inuit Pisinnaatitaaffiinut Institutti – Danmarks Nationale Menneskerettighedsinstitutionip sorsunneqannginnerup sakkuaaffiusumillu aaqqiagiinngissuteqarnerup nalaani inuit pisinnaatitaaffii siuarsassavai illersorlugillu, pingaartumik imaaliorluni

- 1) Kalaallit Nunaanni inuit pisinnaatitaaffiinut tunngasumik nakkutilliinikkut nalunaarusiornikkullu,
- 2) inuit pisinnaatitaaffiinik tunngasumik misissueqqissaarnikkut ilisimatusarnikkullu,
- 3) Folketingimut, Danmarkimi naalackersuisunut, Inatsisartunut, Naalackersuisunut, oqartussaasunut allanut piunassutsiminnillu sulialinnut siunnersuinikkut, matumani ilanngullugit Inuit piginnaatitaaffii pillugit Kalaallit Nunaanni Siunnersuisoqatigiit, inuit pisinnaatitaaffii pillugit.
- 4) *inuit pisinnaatitaaffiinik* sulialinnut ataqatigiissaarinikkut ikiuinikkullu,
- 5) inuit pisinnaatitaaffiinik atuartitsinikkut tamatuminnгалu siuarsaanikkut,

- 6) inuit piginnaatitaaffiik paasisitsiniaanikkut,
- 7) inuit pisinnaatitaaffii pillugit atugaateqarfeqarneq pillugu qulakkeerinnikkut aamma
- 8) nunami maani nunanilu allani inuit piginnaatitaaffiisa atuutilersinniarneqarnissaannut peqataanikkut.

Imm. 2. (Kalaallit Nunaanni atuutilersinneqassanngilaq)

Imm. 3. Inuit Pisinnaatitaaffiitut Instituttu – Danmarks Nationale Menneskerettighedsinstitutioni Inatsisartunut ukiumoortumik nalunaarusiortassaaq inuit piginnaatitaaffiik instituttip suliai aamma Kalaallit Nunaanni inuit piginnaatitaaffiitut tuungasut pillugit. Nalunaarusiaq instituttip avammut saqqummiutissavaa.

Imm. 4. Instituttip sulinermini tunngavigissavai inatsisini tunngaviusuni kiffaanngissuseqarneq pillugu pisinnaatitaaffiit aamma inuit pisinnaatitaaffii nunani tamalaani inuiaqatigiit sukkulluunniit akuerisaat, matumani pingaartumik ilanngullugit FN'ip nunarsuarmioqatigiinnut tamanut nalunaarutaani inuit piginnaatitaaffii, FN'ip isumaqatigiissutaanni inuit piginnaatitaaffii aamma inuit piginnaatitaaffii pillugit Europarådip isumaqatigiissutaanni pineqartuni inuit piginnaatitaaffii kiisalu aamma OSCE'p inunnut tunngatillugu pisussaaffigisaanni inuit piginnaatitaaffii.

Imm 5. Institutti ilisimatusarnissaminut kiffaanngissuseqarpoq.

Imm. 6. Instituttip ilisimatuutut sulisui ilisimatusarnissaminut kiffaanngissuseqarput aamma allanik suliasinneqarsimatinnagit ilisimatusarnikkut instituttip killiliiussaata iluani kiffaanngissuseqarlutik ilisimatusartassallutik.

Kapitali 2

Instituttip aqutsisui

Siulersuisut

§ 3. Inuit Pisinnaatitaaffiitut institutti – Danmarks Nationale Menneskerettighedsinstitutioni siulersuisunit siulersorneqassaaq, taakkua instituttip suliasaqarfiinut, aningaasaqarneranut ingerlatsineranullu tunngasut apeqquutit pingaarutillit aalajangertassammatigik.

Imm. 2. Siulersuisut 14-usussat piginnaasaat naapertorlugu toqqarneqartussat tassaapput:

- 1) ilaasortat 6 Rådet for Menneskerettigheder-init toqqarneqartut, tak. imm. 4.
- 2) ilaasortaq 1 Københavns Universitetip rektoriant toqqarneqarpoq, tak. imm. 5.
- 3) ilaasortaq 1 Aarhus Universitetip rektoriant toqqarneqartoq, tak. imm. 5.
- 4) ilaasortaq 1 Syddansk Universitetip rektoriant toqqarneqartoq, tak. imm. 5.

5) ilaasortaq 1 Aalborg Universitetip rektoriant toqqarneqartoq, tak. imm. 5.

6) ilaasortat 2 Danske Universitetit Rektorkollegieqatigiivinit toqqarneqartut.

7) ilaasortaq 1 insituttimi sulisunit toqqarneqartoq, tak. imm. 6.

8) ilaasortaq 1 Kalaallit Nunaanni Inuit Pisinnaatitaaffii pillugit Siunnersuisoqatigiinnit toqqarneqartoq.

Imm. 3. Siulersuisuni ilaasortat ukiuni sisamani atuuttussanngorlugit toqqarneqartarput sulilu atuuffiup tullianut toqqarneqaqqissinnaallutik. Kingorna sivikinnerpaamik ukiut sisamat ingerlareernerisigut aatsaat qinerneqarsinnaapput toqqarneqarsinnaallutiluunniit.

Imm. 4. (Kalaallit Nunaanni atuutilersinneqassanngilaq).

Imm. 5. Anguniarneqassaaq, Københavns Universitetimi, Aarhus Universitetimi, Syddansk Universitetimi aamma Aalborg Universitetimi rektorinit toqqagaasussat ikinnerpaamik marluk inatsilerinermik sulialinnut attuumassuteqassasut.

Imm. 6. Siulersuisunut qinersisarneq pillugu ingerlatseqatigiiffiit pillugit inatsimmi aalajangersakkat naapertorlugit instituttimi sulisumik toqqaassoqassaaq. Sulisut sinniisaat soraarsitaanissamut aamma pissutsit atuuttut allatut ajorseriarnissannut illersugaapput pineqartumut taamaaqataaniluunniit susassaqarfimmi sulisut sinniisaasa pineqartarnerattulli.

§ 4. Siulersuisut akunnerminni siulittaasoq ataaseq qinissavaat.

Imm. 2. Siulersuisut suleriaasissartik nammineq aalajangissavaat.

Imm. 3. Siulersuisut institutti pillugu malittarisassiiussapput nunanut allanut ministerimit akuerineqartussanik.

Imm. 4. Siulersuisut pisariaqartitsineq malillugu ataatsimiititalianik immikkut ittunik pilersitsisinnaapput.

§ 5. (Kalaallit Nunaanni atuutilersinneqassanngilaq)

Pisortaq

§ 6. Tamanut ammasumik atorfirmik inuttassarsiusereernikkut siulersuisut pisortamik toqqaassapput instituttimi sulianut, aningaasaqarnermullu ingerlatsinermullu apeqqutinik aqutsisussamik.

Imm. 2. Pisortaq taasisinnaatitaanani siulersuisut ataatsimiinnerini peqataasassaaq.

Kapitali 3

Aningaasaqarneq, natsorsuutit kukkunersiuisarnerlu il.il.

§ 7. Inuit Pisinnaatitaaffiinut Institutti – Danmarks Nationale Menneskerettighedsinstitutioni pisortatigut ingerlanneqartuni atugassaatat assigalugit instituttuvoq arlaannaannulluunniit attuumassuteqarani imminut pisigoq.

Imm. 2. Instituttip ingerlanneranut suliaanullu naalagaaffik ukiumoortumik tapiissuteqartarpoq.

§ 8. Institutti siunertani malillugu aningaasaateqarfinit tapiiffigineqarsinnaavoq, tunissutinik assigisaannillu tigusaqarsinnaavoq, sulianillu iluanaarutaasinnaasunik, ilisimatusarnernik tapiissutinik aningaasalersorneqartunik sulianillu allanik tapiissutinik aningaasalersorneqartunik ingerlataqarsinnaalluni, matumani ilanngullugit siunnersortinik ikiorteqarneq siunnersuinerlu tamakku instituttip suliaasa allat isumaginerannut atanilerneqarsinnaagaangata.

Imm. 2. Suliat pineqartut aaqqinnissaat pillugit institutti siunertani malillugu oqartussanut ukiuni arlalinni atuuttusanik isumaqatigiissuteqarsinnaavoq.

§ 9. Naalagaaffiup naatsorsuuseriveqarfia pillugu Finansministereqarfiup nalunaarutaa malillugu naalagaaffiup naatsorsuuserisarnernik malittarisassai instituttip atussavai. Instituttimut ukioq naatsorsuiffik tassaavoq ukioq aningaasanut inatsisiliorfik. Ukiup naatsorsuusiorfiusup naanerani instituttip ukiumoortumik nalunaarusiaa suliarineqartassaaq, siulersuisunit pisortamillu atsiorneqartussaq.

Imm. 2. Instituttip ukiumoortumik nalunaarusiaa kukkunersiorneqartassaaq naalagaaffiup kukkunersiuisuata kukkunersiuisarnerani pissuserissaartussaanera naapertorlugu, tak. naalagaaffiup naatsorsuutaanik il. il. kukkunersiuisarneq pillugu inatsimmi §§ 2 aamma 3.

Kapitali 4

Atorunnaarsitsineq

§ 10. Institutti inatsisitigut kisimi atorunnaarsinneqarsinnaavoq.

Imm. 2. Institutti atorunnaarsinneqarpat taassuma illutai, sanaartugaatai, pequtai, naliliutai pisussaatitaaffiilu naalagaaffiup tigussavai.

Kapitali 5

Atuutilersitsineq il.il.

§ 11. Peqqussut atuutilerpoq ulloq 1. januar 2014.

Imm. 2. Dansk Center for Internationale Studier og Menneskerettighederip pilersinneqqarnissaanik inatsit, tak. inatsit nr. 411 6. juni 2002-meersoq, peqqussutikkut nr. 414 30. maj 2005-imeersukkut atuutilersinneqartoq, atorunnaarsinneqarpoq.

Imm. 3. Inuit Pisinnaatitaaffiinum Instituttip – Danmarks Nationale Menneskerettighedsinstitutionip pigisai akiitsuilu tamaasa tigussavai, inatsisillu atuutilersinneqarnerani taassuma pisinnaatitaaffii pisussaatitaaffiilu tamaasa akisussaaffigilissallugit. Dansk Center for Internationale Studier og Menneskerettighederip pigisai, akiitsui, piginnaatitaaffii pisussaatitaaffiilu tamaasa Nunanut Allanut ministerenip Inuit pisinnaatitaaffiinum Instituttip – Danmarks Nationale Menneskerettighedsinstitutionip aamma Dansk Institut for Internationale Studier akornanni agguataassavai, piginnaatitaaffiit pisussaatitaaffiilluunniit ataasiakkaat suliffeqarfiit taakkua marluk tamakkununga pisinnaatitaanerat apeqqutaatillugu. Inuit pisinnaatitaaffiinum Instituttip pisortaa piffissap atorfimmuut isumaqatigiissuteqarfiusup naanissaata tungaanut ingerlaannassaaq.

Imm. 4. (Kalaallit Nunaanni atuutilersinneqassanngilaq)

Imm. 5. (Kalaallit Nunaanni atuutilersinneqassanngilaq)

Imm. 6. (Kalaallit Nunaanni atuutilersinneqassanngilaq)

Imm. 7. (Kalaallit Nunaanni atuutilersinneqassanngilaq)

Imm. 8. (Kalaallit Nunaanni atuutilersinneqassanngilaq)

Imm. 9. (Kalaallit Nunaanni atuutilersinneqassanngilaq)

§ 12. *(Kalaallit Nunaanni atuutilersinneqassanngilaq)*

§ 13. *(Kalaallit Nunaanni atuutilersinneqassanngilaq)*

§ 14. *(Kalaallit Nunaanni atuutilersinneqassanngilaq)*

§ 15. (*Kalaallit Nunaanni atuutilersinneqassanngilaq*)

-mi tunniunneqarpoq, ulloq xx.xx.2013

Kunngiussutsitsinnik Atsiorpugut Naqissusiillutalu
MARGRETHE R.

/ Villy Søvndal

¹¹ Aalajangersagaq ima oqaasertaqarpoq: ”Inatsit Savalimmiuni aamma Kalaallit Nunaanni atuutinngilaq, kunngilli peqqussutaasigut tamakkerlugu ilaannakuusumilluunniit Savalimmiuni aamma Kalaallit Nunaanni atuutilersinneqarsinnaavoq, Savalimmiuni aamma Kalaallit Nunaanni pissutsit tungavigalugit allannguutitalerlugu.

² Aalajangersagaq ima oqaasertaqarpoq: ”Inatsit Savalimmiuni aamma Kalaallit Nunaanni atuutinngilaq, kunngilli peqqussutaasigut tamakkerlugu ilaannakuusumilluunniit Savalimmiuni aamma Kalaallit Nunaanni atuutilersinneqarsinnaavoq, Savalimmiuni aamma Kalaallit Nunaanni pissutsit tungavigalugit allannguutitalerlugu.